



Publicaziuns officialas dils 15-11-2019

Uffeci civil Surselva

Naschientscha

Almeida Morim Diana, naschida ils 06-11-2019 a Glion, affon da Renato Goncalves Morim e Vania Soares Almeida Morim, sesents a Rabius.

Decurtins Tiardo, naschius ils 08-11-2019 a Glion, affon da Remo e Jasmin Decurtins, sesents a Cumpadials.

Sumvitg, 15-11-2019

Controlla da habitonts

Pignola d'Advent e da Nadal

L'administraziun forestala recomonda da retrer il pigniel da Nadal al singul vischin sco suonda: En ils vischinadis nua ch'ils pigneuls vegnan pinai entras l'uniun da giuventetgna supplichein da retrer leu il pigniel da Nadal.

Al vischin che vul pinar sez il pigniel (lubiu ei da pinar mo pégn) eis ei lubiu da pinar tal sin territori communal. Ei vegn denton recumandau da pinar sin terren da pastiras surcarschidas. Scumandau eisi da pinar en plantaziuns, uauls da schurmetg e curtins da schurmetg encunter selvaschinas. En uauls privats eisi scumandau da pinar pignola senza ina lubientscha dil possessur d'ual.

Nus recumandein era da pinar mo in pigniel e quel prender a casa e buca schar scher entuorn e forsa pinar dus auters.

Per tgi che vul retrer il pigniel dalla vischnaunca valan suandonts termin d'empustaziun:

- **Pignola d'Advent entochen gievia, ils 14 da november**
- **Pignola da Nadal entochen mardis, ils 10 da december**

Las empustaziuns ein da far tier la **canzlia communal (tel. 081 920 25 00)**. La gronda part dalla pignola vegn retratga ord ina scola da plantinas. La pignola vegn taxada sco suonda (prezis excl. tpv.):

grondezia	prezi/toc	
-	< 199 cm	frs. 25.-
-	200-299 cm	frs. 30.-
-	300 cm	frs. 35.-
-	325 cm	frs. 45.-
-	350 cm	frs. 60.-
-	400 cm	frs. 85.-

Per il schurmetg digl uaul recumandein a scadin da pinar il pigniel da Nadal cun precauziun e senn da responsablidad. Cunterfatgs vegnan punidas tenor il regulativ forestal.

Sumvitg, november 2019

Uffeci forestal Sumvitg

Donaziun fundaziun Greina

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2019** digl onn precedent cul formular corrispudent tier l'administraziun communal. Nus supplichein per notizia da quest avis.

Sumvitg, 15-11-2019

Cumissiun Greina

Consozi da scola

Dis da viseta

Nus envidein cordialmein als dis da viseta ellas scolas da Rabiun e Trun. Quels han liug venderdis gl'entir di e sonda avonmiezdi, **ils 15 e 16 da november 2019**. Per evitar pli gronds disturbis supplichein nus las visetas da mintgamai entrar all'entschatta dalla lecziun e sortir alla fin dalla lecziun. Nus supplichein era da risguardar igl uorden e l'atmosfera d'instrucziun. Ils bus da scola curseschan sonda avonmiezdi sc'in avonmiezdi ordinari. Nus selegrein sin Vossa viseta. *Las persunas d'instrucziun cun scolaras e scolars*

Uniun sportiva Rabiun

La radunonza generala da nossa uniun ha liug **uonn ils 17 da november 2019** allas 17.00 el hotel «Greina», Rabiun. Suenter la radunonza offerescha l'uniun ina tscheina als commembers. A stedia participaziun ed in'emperneivla sera envida e salida vus cordialmein *la suprastonza*

Vischinadi Rabiun ed Uniuns reunidas Rabiun

Invitaziun

alla radunonza da fundaziun per in e scadin convischin per ina nova Uniun Rabiun...!
Venderdis, ils 22 da november 2019 allas 20.00 ell'aula dalla casa da scola Rabiun

Tractandas:

A) Nova Uniun Rabiun.....

1. Beinvegni ed appel
2. Elecziun da dumbravuschs
3. Dilucidaziun dalla radunonza (fusiun vischinadi ed uniuns reunidas)
4. Num dall'uniun e niev logo
5. Approbaziun dils novs statuts
6. Elecziuns:
 - a) president
 - b) actuar/vicepresident
 - c) cassier
 - d) dus assessurs
 - e) dus revisurs da quen
 - f) in survegilader da material
7. Fixar las contribuziuns annualas
8. Program da lavur
9. Varia

B) Vischinadi Rabiun

10. Prelecziun ed approbaziun dil protocol rg 5-3-2019
11. Rendaquen 2019, rapport dils revisurs ed approbaziun
12. Dissoluziun dil vischinadi e surdada dalla bilanza

C) Uniuns reunidas Rabiun

13. Prelecziun ed approbaziun dil protocol rg 27-6-2018
14. Rendaquen 2019, rapport dils revisurs ed approbaziun
15. Dissoluziun dallas uniuns reunidas e surdada dalla bilanza

Dil sboz dils novs statuts sa vegnir priu investa sin la pagina d'internet www.rabius.ch ni che quel sa vegnir empustaus tier Linus Maissen, 081 943 10 16. Nus sperein sin stedia partecipaziun e fagein in cordial beinvegni. *Per il vischinadi ed Uniuns reunidas Rabius, La suprastonza*

Uniun da dunnas Sumvitg/Cumpadials

Sentupada d'advent 60+

Sco usitau envidein nus tei alla sentupada d'advent che ha liug **venderdis, ils 29 da november 2019**, allas 13.30 en sala dalla casa da scola a Sumvitg. Bugen spetgel jeu tia annunzia entochen mardis, ils 26 da november 2019. Anita Degonda, 079 538 13 24 ni 081 943 26 89. Nus selegrein da passentar enzacontas uras da cumpignia cun tei. La suprastonza

Notg dalla glisch

Devoziun dalla sera cun canzuns da Taizé.

Venderdis, ils 22 da november 17.30–19.30 en caplutta dalla Casa sogn Giusep. Accumpignament musical: Regina Wilms. Suentar la devoziun dat ei te e tustgets.